



## Cynnig Gofal Plant Cymru Gweithdrefn Cyflwyno Apêl

Menter gan Lywodraeth Cymru yw Cynnig Gofal Plant Cymru ar gyfer rhieni sy'n gweithio ac sydd â phlant 3 i 4 oed. Mae'n cynnig hyd at 30 awr yr wythnos o addysg feithrin gyfun a gofal plant ychwanegol a ariennir am hyd at 48 wythnos y flwyddyn (39 wythnos yn ystod y tymor a hyd at 9 wythnos o ddarpariaeth gwyliau ysgol).

Mae angen i rieni fodloni meini prawf preswyllo a gweithio neu addysg/hyfforddiant er mwyn bod yn gymwys ar gyfer y Cynnig Gofal Plant. Rydym yn derbyn rhai ceisiadau nad ydynt yn bodloni'r meini prawf hyn ac felly mae'n rhaid eu gwrthod.

Os ydych chi'n byw yn ardaloedd Cyngorau Bwrdeistref Sirol Rhondda Cynon Taf, Pen-y-bont ar Ogwr neu Ferthyr Tudful, ac yn teimlo bod eich cais wedi'i wrthod yn anghywir, dilynwch y broses isod os hoffech i'r penderfyniad gael ei ailystyried.

### **Os ydych chi'n anghytuno â deiliant eich cais**

Os nad ydych chi'n fodlon â'n penderfyniad ynghylch eich cais am Gynnig Gofal Plant Cymru, mae modd i chi ofyn i'ch cais gael ei adolygu. Mae modd i chi ofyn am yr adolygiad yma er mwyn:

- Gofyn i'ch cais am y Cynnig Gofal Plant gael ei ystyried eto
- Dweud wrthym ni pam rydych chi o'r farn bod y penderfyniad rydyn ni wedi'i wneud yn anghywir
- Rhoi unrhyw dystiolaeth i gefnogi'r rheswm dros eich her

**Nodwch:** Dim ond prif ymgeisydd y cais gwreiddiol all gyflwyno ceisiadau am adolygiadau a / neu apeliadau ffurfiol.

Dylech wneud y cais yn ysgrifenedig (trwy'r post neu e-bost), cyn pen 10 diwrnod gwaith ar ôl dyddiad y llythyr/e-bost gwreiddiol sy'n nodi'r penderfyniad. Bydd yr adolygiad yn cael ei gynnal gan uwch aelod o staff yng Ngwasanaethau Addysg a Chynhwysiant Cyngor Bwrdeistref Sirol Rhondda Cynon Taf. Bydd yr adolygiad yn cael ei gynnal cyn pen 10 diwrnod gwaith ar ôl derbyn eich cais.

### **Os yw'ch adolygiad yn llwyddiannus**

Os bydd y penderfyniad gwreiddiol yn cael ei wrthdroi, bydd y garfan Cynnig Gofal Plant yn diwygio'ch cais ac yn anfon cadarnhad o'ch cymhwysedd atoch chi. **Sylwch**, bydd y cyllid yn cychwyn o'r dyddiad y byddwn ni'n cadarnhau eich cymhwysedd ar ddiwedd y cyfnod adolygu.

### **Os nad yw'ch adolygiad yn llwyddiannus**

Os bydd y penderfyniad gwreiddiol yn cael ei gadarnhau, byddwn ni'n esbonio'r rhesymau am hyn i chi a fydd deiliant eich cais gwreiddiol ddim yn newid.

### **Os ydych chi'n anghytuno â deilliant yr adolygiad**

Os ydych chi'n dal i gredu bod ein penderfyniad yn anghywir, mae modd i chi wneud cais am apêl ffurfiol. Mae modd i chi wneud cais am yr apêl ffurfiol yma er mwyn:

- Dweud wrthym ni pam rydych chi o'r farn bod penderfyniad yr adolygiad yn anghywir
- Rhoi unrhyw dystiolaeth i gefnogi'r rheswm dros eich her

**Nodwch:** Dim ond prif ymgeisydd y cais gwreiddiol all gyflwyno ceisiadau am adolygiadau a / neu apeliadau ffurfiol.

Rhaid i chi wneud y cais am apêl ffurfiol yn ysgrifenedig (trwy'r post neu e-bost), cyn pen 10 diwrnod gwaith ar ôl dyddiad penderfyniad yr adolygiad. Bydd yr apêl ffurfiol yn cael ei chynnal gan banel o swyddogion Cyngor Bwrdeistref Sirol Rhondda Cynon Taf, cynrychiolwyr o Gynghorau Bwrdeistref Sirol Merthyr Tudful a/neu Ben-y-bont ar Ogwr a 'Cwlwm' (y grŵp cyffredinol sy'n cynnwys cynrychiolwyr o sefydliadau ymbarél gofal plant yng Nghymru). Bydd yr apêl ffurfiol yn cael ei chynnal cyn pen 10 diwrnod gwaith ar ôl derbyn eich cais.

### **Os yw'ch apêl ffurfiol yn llwyddiannus**

Os bydd y penderfyniad gwreiddiol yn cael ei wrthdroi yn rhan o'r apêl ffurfiol yma, bydd y garfan Cynnig Gofal Plant yn diwygio'ch cais ac yn anfon cadarnhad o'ch cymhwysedd atoch chi. **Sylwch**, bydd y cyllid yn cychwyn o'r dyddiad y byddwn ni'n cadarnhau eich cymhwysedd ar ddiwedd cyfnod yr apêl ffurfiol.

### **Os nad yw'ch apêl ffurfiol yn llwyddiannus**

Os bydd y penderfyniad gwreiddiol yn cael ei gadarnhau, byddwn ni'n esbonio'r rhesymau am hyn i chi a fydd deilliant eich cais gwreiddiol ddim yn newid. Fydd dim modd cyflwyno unrhyw apeliadau pellach.

Os bydd eich amgylchiadau'n newid yn y dyfodol, a'ch bod chi'n credu eich bod yn gymwys ar gyfer Cynnig Gofal Plant Cymru, dylech gyflwyno cais cwbl newydd trwy'r broses ymgeisio ar-lein.

*Mae crynodeb o'r broses isod:*

<b>Cam</b>	<b>Amserlenni</b>
Cais i adolygu'r cais gwreiddiol.	Cyn pen 10 diwrnod gwaith ar ôl dyddiad y llythyr/e-bost gwreiddiol sy'n nodi'r penderfyniad. Rhaid i chi wneud y cais yma'n ysgrifenedig (trwy'r post neu e-bost).
Adolygiad gan uwch aelod o Wasanaethau Addysg a Chynhwysiant Cyngor Bwrdeistref Sirol Rhondda Cynon Taf.	Cyn pen 10 diwrnod gwaith ar ôl derbyn eich cais ysgrifenedig.
Os bydd y penderfyniad gwreiddiol yn cael ei gadarnhau, mae modd i chi wneud cais am apêl ffurfiol.	Cyn pen 10 diwrnod gwaith ar ôl dyddiad yr adolygiad. Rhaid i chi wneud y cais yma'n ysgrifenedig (trwy'r post neu e-bost).
Panel apeliadau gyda chynrychiolwyr o adrannau eraill y Cyngor, Cyngor	Cyn pen 10 diwrnod gwaith ar ôl derbyn eich cais ysgrifenedig.

Bwrdeistref Sirol Merthyr Tudful/Pen-y-bont ar Ogwr a 'Cwlwm'.	
--	--

Dylech anfon eich llythyron:

Drwy e-bost: [carfangofalplant@rctcbc.gov.uk](mailto:carfangofalplant@rctcbc.gov.uk)

Drwy'r post: Carfan Cynnig Gofal Plant, Canolfan Menter y Cymoedd, Abercynon, RhCT, CF45 4SN

Ffôn: 03000 628628